

佛說首楞嚴三昧經卷上

改

後秦龜茲國三藏鳩摩羅什譯

如是我聞一時佛在王舍城耆闍崛山中與大比丘僧三萬二千人俱菩薩摩訶薩七萬二千衆所知識得陀羅尼成就辯才樂說無盡安住三昧而不動轉善能了知無盡之慧得深法忍入深法門於諸無量阿僧祇劫所修善法皆悉成就摧伏衆魔降諸怨敵攝取寂尊最淨佛土有大慈悲諸相嚴身於大精進得到彼岸善知一切言辭方便所行威儀具足清淨悉以得住三解脱門以無尋智通達三世發決定心不捨一切憶念義趣堪忍智慧其諸菩薩德皆如是其名曰轉不退法輪菩薩發心即轉法輪菩薩無尋轉法輪菩薩離垢淨菩薩除諸蓋菩薩亦淨威儀見皆愛喜菩薩妙相嚴淨王意菩薩不誑一切衆生菩薩無量功德海意菩薩諸根常定不亂菩薩實音聲菩薩一切天讚菩薩陀羅尼自在王菩薩辯才莊嚴菩薩

文殊師利法王子菩薩彌勒菩薩須彌頂王菩薩海德寶嚴淨意菩薩大嚴淨菩薩大相菩薩光相菩薩光德菩薩淨意菩薩喜王菩薩堅勢菩薩堅意菩薩如是等菩薩摩訶薩七萬二千人及三千大千世界所有釋梵護世天王并諸天龍夜叉乾闥婆阿修羅迦樓羅緊那摩睺羅伽人與非人衆所知識多種善根樂大法者皆來集會

爾時堅意菩薩在大會中作是念言我於今者當問如來以是所問欲守護佛種法種僧種令諸魔宮隱蔽不現摧伏自大增上慢者未種善根者今當令種已種善根者當令增長若有未發阿耨多羅三藐三菩提心者當令發心已發心者令不退轉已不退者當令獲得阿耨多羅三藐三菩提計有所得住諸見者皆悉令發捨離之心樂小法者今不疑大法樂大法者令生歡喜作是念已即從座起偏袒右肩右膝著地合掌向佛白佛言世尊我今欲於如來法中少有

所問瞻願聽許佛告堅意隨汝所問吾當解說今汝歡喜堅意菩薩白佛言世尊頗有三昧能令菩薩疾得阿耨多羅三藐三菩提常得不離值見諸佛能以光明普照十方得自在慧以破諸魔得自在智獲自然智得元生智能不隨他得不斷辯才盡未來際得如意足受無量命樂聲聞者亦聲聞乘樂辟支佛者亦辟支佛乘樂大乘者為亦大乘通達聲聞法而不入聲聞道通達辟支佛法而不入辟支佛道通達佛法而不畢竟滅盡示現聲聞示色威儀而內不離佛菩提心示現辟支佛形色威儀而內不離佛大悲心以如幻三昧力示現如來形色威儀以善根力示現在於兜率天上現受後身入於胞胎初生出家坐佛道場以深慧力現轉法輪以方便力現入涅槃以三昧力現分舍利以本願力現法滅盡然世尊行何三昧能令菩薩示現如是諸功德事而不畢竟入於涅槃佛告堅意菩薩言善哉善哉堅意能問如來如是之義

當知汝能多所饒益安樂衆生憐愍世間利安天人今世後世菩薩蒙益當知汝已深種善根供養親近過去無量百千億佛通行諸道降魔怨敵於佛法中得自在智教化守護諸菩薩衆已知一切諸佛法藏曾於恒河沙等佛所成就問答堅意如來於此衆會之中不見天龍夜叉乳闍婆及諸聲聞求辟支佛者能作是問唯有汝等大莊嚴者乃能答發如是之問汝今諦聽善思念之吾當為汝說諸菩薩成就三昧得是功德復過於此堅意白佛言願樂欲聞佛告堅意有三昧名首楞嚴若有菩薩得是三昧如汝所問皆能示現於般涅槃而不永滅示諸形色而不壞色相過遊一切諸佛國土而於國土無所分別恣能得值一切諸佛而不分別平等法性示現遍行一切諸行而能善知諸行清淨於諸天人衆尊最上而不自高憍慢放逸現行一切魔自在力而不依倚魔所行事遍行一切三界之中而於法相無所動轉示現遍生諸

首楞嚴三昧經卷二 第三張 跋

趣道中而不分別有諸道相善能解說一切法可以諸言辭開示其義而知文字入平等相於諸言辭無所分別常在禪定而現化衆生行於盡忍無生法忍而說諸法有生滅相獨步無畏猶如師子余時會中諸釋梵護世天王一切大衆皆作是念我等猶尚未曾聞是三昧名字何況得聞解說其義今來見佛快得善利皆共得聞說首楞嚴三昧名字若善男子善女人求佛道者聞首楞嚴三昧義趣信解不疑當知是人必於佛道不復退轉何況信已受持讀誦為他人說如說修行時諸釋梵護世天王皆作是念我等今當為佛如來敷師子座正法座上上人座大莊嚴座大轉法輪座當今如來於我此座說首楞嚴三昧是中人人各各自謂唯我為佛數師子座餘人不能令時釋梵護世天王各為如來敷師子座在技清淨端嚴高顯無量寶衣以敷其上悉皆張施衆妙寶蓋又以衆寶而為欄楯於座左右无量寶樹枝葉間錯行列相

首楞嚴三昧經卷二 第三張 跋

當垂諸幢幡張大寶帳衆寶交絡懸諸寶鈴衆妙華華以散其上諸天雜香燒以熏之金銀衆寶光明間錯種種嚴淨靡不具有須臾之間於如來前有八萬四千億那由他寶師子座忘於衆會無所妨礙一天子不見餘座各作是念我獨為佛敷師子座佛當於我所敷座上說首楞嚴三昧時諸釋梵護世天王敷座已竟各白佛言唯願如來坐我座上說首楞嚴三昧即時世尊現大神力遍坐八萬四千億那由他師子座上諸天各各見佛坐其所敷座上不見餘座有一帝釋語餘釋言汝觀如來坐我座上如是釋梵護世天王各相謂言汝觀如來坐我座上有一釋言如來今者但坐我座不在汝座余時如來以諸釋梵護世天王宿緣應度又欲少現首楞嚴三昧勢力亦為成就大乘行故令諸衆會皆見如來遍在八萬四千億那由他寶師子座一切大衆皆大歡喜得未曾有各供座起合掌禮佛咸作是言善哉世尊威神力量令

首楞嚴三昧經卷二 第六張 跋

諸天子各滿所願其諸天子所為如來施設座者是佛神力皆發阿耨多羅三藐三菩提心俱白佛言世尊我等為欲供養如來滅除一切衆生苦惱守護正法不斷佛種是故皆發阿耨多羅三藐三菩提心願今我等於未來世作佛如是威神之力如今如來所作變現今時佛讚諸天子言善哉善哉如汝所說為欲利益一切衆生發阿耨多羅三藐三菩提心是為第一供養如來時梵衆中有一梵王名曰等行白佛言世尊何等如來為是真實我座上是餘座上是佛告等行一切諸法皆空如幻從和合有無有作者皆從憶想分別而起無有主故隨意而出是諸如來皆是真實去何為實是諸如來本自不生是故為實是諸如來今後亦無是故為實是諸如來非四大攝是故為實諸陰八界皆所不攝是故為實是諸如來如先中後等無差別是故為實梵王是諸如來等無差別所以者何是諸如來以色如故等以受想行識如故等以

首楞嚴三昧經卷上 第七 跋

是故等是諸如來以過去世如故等以未來世如故等以現在世如故等以如幻法故等以如影法故等以無所有法故等以無所從來無所從去故等是故如來名為平等如一切法等是諸如來亦復如是如一切衆生等是諸如來亦復如是如諸一切世間佛等是諸如來亦復如是如一切世間等是諸如來亦復如是是故諸佛名為平等梵王是諸如來不過一切諸法如故名為平等梵王當知如來悉知一切諸法如是平等是故如來於一切法名為平等行梵王白佛言未曾有也世尊如來得是諸法等已以妙色身亦現衆生佛言梵王是皆首楞嚴三昧本行勢力之所致也以是事故如來得此諸法等已以妙色身亦現衆生說是法時等行梵王及萬梵天於諸法中得柔順忍心時如來還攝神力諸佛及座皆不復現一切衆會唯見一佛今時佛告堅意菩薩首楞嚴三昧非初地二地三地四地五地六地七地八地九地菩薩

首楞嚴三昧經卷上 第七 跋

之所能得唯有住在十地菩薩乃能得是首楞嚴三昧何等是首楞嚴三昧謂修治心猶如虛空一觀察現在衆生諸心二分別衆生諸根利鈍三決定知衆生因果四於諸業中知無業報五入種種樂欲入已不忘六現知元量種種諸性七常能遊戲華音三昧能示衆生金剛心三昧一切禪定自在隨意八普觀一切所至諸道九於宿命智得無所尋十天眼無障土得漏盡智非時不證三於色無色得等入智三於一切色亦現遊戲十四知諸音聲猶如響相十五入念慧十六能以善言悅可衆生十七隨應說法十八知時非時十九能轉諸報二十說法不虛二十一入真際二十二善能攝伏衆生之類二十三能具足諸波羅蜜二十四威儀進止未曾有異二十五破諸憶想虛妄分別二十六壞法性盡其邊際二十七時現身住一切佛所二十八能持一切佛所說法二十九普於一切諸世間中自在變身猶如衆現三十善說諸乘度脫衆生常能護持三寶不絕三十一發大莊嚴盡未來際而心未曾有疲倦想三十二普於

首楞嚴三昧經卷上 第九 跋

一切諸所生處常能現身隨時不絕
 於諸生處亦有所作善能成就
 一切衆生善能識知一切衆生
 一切二乘不能測量善能具知諸
 音聲分能作一切諸法熾盛
 能使一切作阿僧祇劫阿僧祇劫
 使作一劫一能使一國入阿僧祇
 國阿僧祇國使入一國無量
 佛國入一毛孔一切衆生亦入一
 身了諸佛土同如虛空身能
 適至無餘佛土使一切身入於法
 性皆使無身一切法性通運無
 相善能了知一切方便善能一音
 所說悉能通達一切法性演說一
 句能至无量阿僧祇劫善觀一切
 法門差別善知同異略廣說法
 善善知出過一切魔道放大方
 便智慧光明身口意業智慧為
 首無行神通常現在前以四無
 尋智能令一切衆生歡喜現神通
 力通一切法性能以攝法普攝
 衆生解諸世間衆生語言於
 如幻法無有所難一切生處通能
 自在所須之物隨意無乏自在

首楞嚴三昧經卷上 第十段 坎

在亦現一切衆生於善惡者皆
 同福田得入一切菩薩密法常
 放光照無餘世界其智深遠無能
 測者其心猶如地水火風善於
 諸法章句言辭而轉法輪於如來
 地無所障導自然而得無生法忍
 得如實心諸煩惱垢所不能汙
 使一切水入一毛孔不燒水性修
 集无量福德善根善知一切方便
 迴向善能變化遍行一切諸菩薩
 行佛一切法心得安隱已得捨
 離宿業本身能入諸佛秘密法藏
 亦現自恣遊戲諸欲聞无量法
 具足能持求一切法心無厭足
 順諸世法而不染汙於無量劫為
 人說法皆令謂如從旦至食亦現
 種種產殘敗衰頹盲瘡症以化衆生
 種種百千密迹金剛力士常隨護侍
 自然能觀知諸佛道能於一念示
 受无量無數劫壽現行一切二乘
 儀法而內不捨諸菩薩行其心善
 寂空無有相於衆伎樂現自娛樂
 而內不捨念佛三昧若見若聞及
 觸共住皆能成就無量衆生能於

首楞嚴三昧經卷上 第二段 坎

今念示成佛道隨本所化今得解脫
 亦現入胎初生出家成就佛道
 轉於法輪入大滅度而不永滅
 堅意首楞嚴三昧如是無量善能示佛
 一切神力無量衆生皆得饒益堅意首
 楞嚴三昧不以一事一緣一義可知
 一切禪定解脫三昧神通如意元導
 智慧皆攝在首楞嚴中譬如波泉江河
 諸派皆入大海如是菩薩所有禪定皆
 在首楞嚴三昧譬如轉輪聖王有大勇
 將諸四種兵皆悉隨從堅意如是所
 有三昧門禪定門辯才門解脫門陀
 羅尼門神通門明解脫門是諸法門
 悉皆攝在首楞嚴三昧隨有菩薩行
 首楞嚴三昧一切三昧皆悉隨從堅
 意譬如轉輪聖王行時七寶皆從如
 是堅意首楞嚴三昧一切助善提法
 皆悉隨從是故此三昧名為首楞嚴
 佛告堅意菩薩住首楞嚴三昧不行
 求財而以布施大千世界及諸大海
 天宮人間所有寶物飲食衣服象馬
 車乘如是等物自在施與此皆是本
 功德所致況以神力隨意所作是名
 菩薩住首楞嚴三昧檀波羅蜜本事

首楞嚴三昧經卷上 第二段 坎

果報佛告堅意菩薩住首楞嚴三昧
不復受戒於戒不動為欲化導諸眾
生故現受持戒行諸威儀亦有所犯
滅除過罪而內清淨常無間失為欲
教化諸眾生故生於欲界作轉輪王
諸姝女眾恭敬圍遶現有妻子五欲
自恣而內常在禪定淨戒善能了見
三有過患堅意是名菩薩住首楞嚴
三昧尸波羅塞本事果報

佛告堅意菩薩住首楞嚴三昧修行
忍辱畢竟盡故眾生不生而修於忍
諸法不起而修於忍心無形色而修
於忍不得彼我而修於忍不念生死
而修於忍以涅槃性而修於忍不壞
法性而修於忍菩薩如是修行忍辱
而無所修亦無不修為化眾生生於
欲界現有瞋恨而內清淨現行遠離
而無遠迫為淨眾生壞世威儀而未
曾壞諸法之性現有所忍而無有法
常定不壞可以忍者菩薩成就如是
忍辱為新眾生多瞋惡心而常稱歎
忍辱之福亦復不得瞋恚忍辱堅意
是名菩薩住首楞嚴三昧鼻根波羅
塞本事果報佛告堅意菩薩住首楞

首楞嚴三昧經卷上 第十三

經

嚴三時至大精進得諸善法而不發
動身口意業為懈怠者現行精進欲
令眾生隨効我學而於諸法無發無
受所以者何菩薩悉知一切諸法常
住法性不來不云如是遠離身口意
行而能亦現發行精進亦不見法有
成就者現於世間發行精進而於內
外無所作為常能往來無量佛國而
於身相等不動亦現發行一切善
法而於諸法不得善惡現行求法有
所諮受而於佛道不隨他教現行親
近和上諸師而為一切諸天人尊現
勤請問而內自得無障尋辨現行恭
敬而為一切天人戴仰現入胞胎而
於諸法無所染汙現行有出生而於諸
法不見生滅現為小兒而身諸根悉
皆具足現行伎藝習方呪術文章筆
數工巧事能而內先來皆悉通達現
有病苦而已永離諸煩惱患亦現衰
老而於先來諸根不壞亦現有死而
未曾有生滅退失堅意是名菩薩住
首楞嚴三昧精進波羅塞本事果報
佛告堅意菩薩住首楞嚴三昧雖知
諸法常是定相而亦眾生諸障差別

首楞嚴三昧經卷上 第十四

經

現身住禪化亂心者而於諸法不見
有亂一切諸法如法性相以調伏心
於禪不動現諸威儀來去坐卧而常
寂然在於禪定亦同眾入有所言說
而常不捨諸禪定相慈愍眾生入於
城邑聚落郡國而常在定為欲饒益
諸眾生故現有所食而常在定其身
堅牢猶若金剛內實不虛不可破壞
其內無有生藏熟藏大小便利臭穢
不淨現有所食而無所入但為慈愍
饒益眾生於一切處無有過患現行
一切凡夫所行而實無行已過諸行
堅意菩薩住首楞嚴三昧現在空閑
聚落無異現在居家出家無異現為
白衣而不放逸現為沙門而不自高
於諸外道出家法中為化眾生而無
所出家不為一切邪見所染亦不於
中謂得清淨現行一切外道儀法而
不隨順其所行道堅意辭如導師將
諸人眾過嶮道已還度餘人如是堅
意菩薩住首楞嚴三昧隨諸眾生所
發道意若聲聞道若辟支佛道若發
佛道隨宜亦導令得度已即復來還
度餘眾生是故大士名為導師辟如

首楞嚴三昧經卷上 第十五

經

牢船從於此岸度无量人今至彼岸
至彼岸已還度餘人如是堅意菩薩
住首楞嚴三昧見諸衆生墮生死水
四流所漂為欲度脫今得出故隨其
所種善根成就若見可以緣覺度者
即為現身亦涅槃道若見可以聲聞
度者為說寂滅共入涅槃首楞嚴三
昧力故還復現生度脫餘人是故大
士名為船師堅意譬如幻師於多衆
前自現身死臙臘爛臭若火所燒鳥
獸所食於衆人前如是現身得財物
已而便還起以其善能學幻術故菩
薩如是住首楞嚴三昧為化衆生亦
現老死而實無有生老病死堅意是
名首楞嚴三昧憐波羅蜜本事果報
佛告堅意菩薩住首楞嚴三昧修行
智慧諸根猛利未曾見有衆生之性
為欲化故說有衆生不見壽者命者
說有壽者命者不得業性及業報性
而示衆生有業業報不得生死諸煩
惱性而說當知見生死煩惱不見涅
槃而說至涅槃不見諸法有差別相
而說諸法有善不善已能度至無學
智岸現生欲界而不著欲界現行色

界禪而不著色界現入無色定而生
於色界現行色界禪而生於欲界現
於欲界而不行欲界行志知諸禪及
知禪分自在皆能入禪出禪為化衆
生隨意所生一切生處悉能受身常
能成就深妙智慧除斷一切衆生諸
行為化衆生現有所行而於諸法實
無所行皆已出過一切諸行久已滅
除我我所心而示現受諸所須物苦
薩成就如是智慧有正施作皆隨智
慧而未曾為業果所汙為化衆生亦
現瘡痍而內實有微妙梵音通達語
言經書彼岸不先思量當說何法隨
所至衆所說皆妙妙能令喜心得堅
固隨其所應而為說法而是菩薩智
慧不滅堅意譬如男女若大若小隨
所持器行詣水所若泉若池渠河大
海隨器大小各滿而歸而此諸水無
所減少如是堅意菩薩住首楞嚴三
昧隨所至衆若刹利衆婆羅門衆若
居士衆釋衆梵衆至是諸衆不加心
力能以善言皆令喜悅隨宜所應而
為演法然其智辯無所減少堅意是

名菩薩住首楞嚴三昧般若波羅
蜜本事果報
佛告堅意菩薩住首楞嚴三昧衆生
見者皆得度脫有聞名字有見威儀
有聞說法有見默然而皆得度堅意
譬如大藥樹王名為慧見有人見者
病皆得愈如是堅意菩薩住首楞嚴
三昧衆生見者貪患癡病皆得除愈
如大藥王名曰滅除若聞戰時用以
塗鼓諸被箭射刀矛所傷得聞鼓聲
箭出毒除如是堅意菩薩住首楞嚴
三昧有聞名者貪患癡箭自然拔出
諸邪見毒皆悉除滅一切煩惱不復
動發堅意譬如藥樹名為具足有人
用根病得除愈莖節心皮技葉花果
皆能除愈若生若乾若段段截悉能
除愈衆生諸病菩薩住首楞嚴三昧
亦復如是於諸衆生無時不益常能
滅除一切衆患謂以說法兼行四攝
諸波羅蜜令得度脫若人供養若不
供養有益無益而是菩薩皆以法利
令得安隱乃至身死有食矣者若諸
畜生二足四足及諸鳥獸人與非人

是諸衆生皆以菩薩戒願力故死得生天常無病痛衰惱諸患堅意住首楞嚴三昧菩薩猶如藥樹

佛告堅意菩薩住首楞嚴三昧六波羅蜜世世自知不從他學舉足下足入息出息念念常有六波羅蜜何以故堅意如是菩薩身皆是法行皆是法堅意譬如王若諸大臣百千種香搗以為末若有人來索中一種不欲餘香共相熏雜堅意如是百千衆香末中可得一種不雜餘不也世尊堅意是菩薩以一切波羅蜜熏身心故於念念中常生六波羅蜜堅意菩薩云何於念念中生六波羅蜜堅意是菩薩一切志捨心無貪著是檀波羅蜜心善寂滅畢竟無惡是尸波羅蜜知心盡相於諸塵中而無所傷是羼提波羅蜜勤觀擇心知心難相是毗梨耶波羅蜜畢竟善寂調伏其心是禪波羅蜜觀心知心通達心相是般若波羅蜜堅意菩薩住首楞嚴三昧如是法門念念皆有六波羅蜜亦時堅意菩薩白佛言未曾有也世

首楞嚴三昧經卷上 第七九頌收

○佛說首楞嚴三昧經

尊菩薩成就首楞嚴三昧其所施行不可思議世尊若諸菩薩欲行佛行當學是首楞嚴三昧何以故世尊是菩薩現行一切諸凡夫行而於其心無貪恚癡於時衆中有大梵王名曰成慈白佛言世尊若菩薩欲行一切諸凡夫行當學首楞嚴三昧何以故是菩薩現行一切諸凡夫行而心無有貪恚癡行佛言善哉善哉成慈如汝所說若菩薩欲行一切諸凡夫行當學首楞嚴三昧不念一切諸所學故堅意菩薩白佛言世尊菩薩欲學首楞嚴三昧當云何學佛告堅意譬如學射先射大準射大準已學射小準射小準已次學射的準射的已次學射杖學射杖已學射百毛射百毛已學射十毛射十毛已學射一毛射一毛已學射百分毛之一分能射是已名為善射隨意不空是人若欲於夜間中所聞音聲若人非人不用心力射之皆著如是堅意菩薩欲學首楞嚴三昧先當學愛樂心學愛樂心已當學深心學深心已當學大慈學

首楞嚴三昧經卷上 第七十頌收

大慈已當學大悲學大悲已當學四聖梵行所謂慈悲喜捨學四聖梵行已當學報得最上五通常自隨身學是通已亦時便能成就六波羅蜜成就六波羅蜜已便能通達方便通達方便已得住第三柔順忍住第三柔順忍已得無生法忍得無生法忍已諸佛授記諸佛授記已能入第八菩薩地入第八菩薩地已得諸佛現前三昧得諸佛現前三昧已常不離見諸佛常不離見諸佛已能具足一切佛法因緣具足一切佛法因緣已能起莊嚴佛土功德能起莊嚴佛土功德已能具生家種姓能具生家種姓已入胎出生入胎出生已能具十地具十地已亦時便得受佛號受佛號已便得一切菩薩三昧得一切菩薩三昧已然後乃得首楞嚴三昧得首楞嚴三昧已能為衆生施作佛事而亦不捨菩薩行法堅意菩薩若學如是諸法則得首楞嚴三昧菩薩已得首楞嚴三昧則於諸法無所復學何以故先已善學一切法故譬如學射能

首楞嚴三昧經卷上 第七十一頌收

第二二冊

二四九

射一毛分不復學餘所以者何先已學故如是堅意菩薩住首楞嚴三昧於一切法無所復學一切三昧一切功德皆已學故今時堅意菩薩白佛言世尊我今欲說辭喻唯願聽許佛言便說世尊辭如三千大千世界大梵天王自然普能遍觀三千大千世界不加功力如是菩薩住首楞嚴三昧於一切法自然能觀不用功力又亦能知一切衆生心心所行佛告堅意如汝所說若菩薩住首楞嚴三昧者悉知一切諸菩薩法一切佛法

亦時會中有天帝釋名持須彌頂於此三千大千世界東在邊外白佛言世尊譬如住於須彌山頂悉能觀見一切天下菩薩如是住首楞嚴三昧於諸聲聞辟支佛行及諸一切衆生之行自然能觀今時堅意菩薩問是持須彌頂釋言汝從何許四天下來住何須彌山頂是釋報言善男子若有菩薩得首楞嚴三昧不應問其所住處也所以者何如此菩薩一切佛國皆是住處而不著住處不得住處

不見住處堅意問言仁者得是首楞嚴三昧耶釋言是三昧中寧復有得不得相耶堅意言不也釋言善男子當知菩薩行是三昧於諸法中都無所得堅意言如汝辯者必已得是首楞嚴三昧釋言善男子我不見法有所住處於一切法無所住者乃得首楞嚴三昧善男子住是三昧則於諸法都無所住若無所住即無所取若無所取即無所說今時佛告堅意菩薩汝見是持須彌山釋不已見世尊堅意是釋自然隨意能得首楞嚴三昧住是三昧於此三千大千世界諸帝釋宮皆能現身今時此闍維提桓因白佛言世尊若持須彌山釋於諸釋宮能現身者我於一切帝釋處所何故不見今時持須彌山釋語此釋言憍尸迦若我今以實身示汝汝於宮殿不復喜樂我常至汝所住宮殿汝不見我今時釋提桓因白佛言世尊我欲見此大士成就妙身佛言憍尸迦汝欲見耶世尊願樂欲見佛語持須彌山釋言善男子汝亦此釋真

實妙身彼釋即現真寶妙身今時會中其諸釋梵護世天王聲聞菩薩不得首楞嚴三昧者身皆不現猶若聚墨持須彌山釋身如須彌山王高大巍巍光明遠照今時佛身倍更明顯釋提桓因白佛言未曾有也世尊今此大士身色清淨殊妙難及是諸釋梵護世天王身皆不現猶若聚墨世尊我於須彌山善妙堂上著釋迦毗盧佛摩尼瓔珞以是光明一切天衆身皆不現我今以此大士光明身不復現所著寶瓔珞亦無光色佛告釋提桓因憍尸迦若此三千大千世界滿中釋迦毗盧佛摩尼珠更有照明諸天摩尼珠能令此珠皆不復現憍尸迦若此三千大千世界滿中照明諸天摩尼珠更有金剛明摩尼珠能令此珠皆不復現憍尸迦若此三千大千世界滿中金剛明摩尼珠更有諸明集摩尼珠能令此珠皆不復現憍尸迦汝見是釋所著諸明集摩尼珠不已見世尊但為此珠其光猛盛我眼不堪佛告憍尸迦若有菩薩得

首楞嚴三昧或作帝釋皆著如是摩
尼璣路亦時釋提桓因白佛言世尊
諸有不發阿耨多羅三藐三菩提心
者不得如是清淨妙身亦復失是首
楞嚴三昧於時瞿域天子語釋提桓
因言諸聲聞人已入法位雖復稱歎
愛樂佛道無能為也已於生死作障
隔故若人已發阿耨多羅三藐三菩
提心者今發當發是人則應愛樂佛
道能得如是上妙色身譬如有人從
生而盲雖復稱歎愛樂日月然其不
蒙日月光明如是聲聞入法位者雖
復稱歎愛樂佛法而佛功德於身無
益是故若欲得此妙身大智慧者當
發無上佛菩提心便得如是上妙色
身瞿域天子說是語時萬二千天子
發阿耨多羅三藐三菩提心

亦時堅意菩薩問瞿域天子言行何
功德轉女人身答言善男子發大乘
者不見男女而有別異所以者何薩
婆若心不在三界有分別故有男有
女仁者所問行何功德轉女人身昔
事菩薩心無諂曲云何而事答言如

首楞嚴三昧經卷上 第三十五 跋

事世尊云何其心而不諂曲答言身
業隨口口業隨意是名女人心無諂
曲問言云何轉女人身答言如成問
言云何如成答言如轉問言天子此
語何義答言善男子一切諸法中不
成不轉諸法一味謂法性味善男子
我隨所願有女人身若使我身得成
男子於女身相不壞不捨善男子是
故當知是男是女俱為顛倒一切諸
法及與顛倒悉皆畢竟難於二拍堅
意菩薩問瞿域言汝於首楞嚴三昧
知少分耶答言善男子我知他得身
自不證我念過世釋迦牟尼佛在淨
飯王家為菩薩時於宮殿內眾采女
中夜半清淨時東方恒河沙等諸
梵王來有問菩薩乘者有問聲聞道
者菩薩各隨所問而答於梵眾中有一
梵王不解菩薩所行方便而作是言
仁者乃有如是智慧善答所問云何
貪愛王位色欲餘諸梵王了知菩薩
智慧方便語此梵王菩薩不貪王位
色欲將為教化成就眾生在居家
現為菩薩而今他方成就佛道轉妙

首楞嚴三昧經卷上 第三十六 跋

法輪是梵聞已而作是言得何三昧
能作如是自在神變餘梵謂言是首
楞嚴三昧勢力善男子我於今時而
作是念菩薩住三昧神力感應至未曾
有處在愛欲領理國事而能不離如
是三昧我聞此已倍加恭敬於菩薩
所生世尊想深發阿耨多羅三藐三
菩提心願於來世亦當成就如是功
德善男子我所見者如是少分我唯
知此首楞嚴三昧當有無量不可思
議功德勢力堅意白佛言希有世尊
是瞿域天子深心說此皆是如來為
作善知識常所守護故世尊瞿域天
子不久亦當住首楞嚴三昧得是自
在神變勢力如今世尊所為無異
堅意菩薩白佛言世尊今此會中寧
有得是首楞嚴三昧者不亦時會中
有天子名現意語堅意菩薩言譬如
賈客入於大海而作是言此大海中
有摩尼珠可持去不汝語似是所以
者何於今如來大智海會其中菩薩
成就法寶發大莊嚴汝在中坐而作
是問於此會中寧有菩薩得是首楞

首楞嚴三昧經卷上 第三十七 跋

嚴三昧者不堅意今此會中自有菩薩得首楞嚴三昧現帝釋身有現梵王身有現諸天龍夜叉及乾闥婆阿修羅迦樓羅緊那摩睺羅伽身有得首楞嚴三昧現比丘比丘尼優婆塞優婆夷身有得首楞嚴三昧以諸相好而自嚴身自有菩薩為化衆生現作女身形色相貌有現聲聞形色相貌有現辟支佛形色相貌堅意如來自在隨所至衆若刹利衆婆羅門衆若居士衆釋衆梵衆諸護世衆隨是諸衆普能示現形色相貌當知皆是首楞嚴三昧本事果報堅意若見如來所說法處當知此中則有無量諸大菩薩大智自在發大莊嚴於一切法自在行者能隨如來轉法輪者堅意菩薩白佛言世尊我今謂是現意天子得此首楞嚴三昧如其智慧辯才無尋神通如是佛言堅意如汝所說是現意天子已住首楞嚴三昧通達是三昧故能作是說余時佛告現意天子汝可示現首楞嚴三昧本事少分現意天子語堅意言仁者欲見

首楞嚴三昧少勢力不答言天子願樂欲見現意天子善得首楞嚴三昧力故即現變應令衆會者皆作轉輪聖王三十二相而自在嚴及諸眷屬七寶侍從天子問言汝見何等堅意答言我見衆會皆作轉輪聖王色相眷屬七寶侍從余時天子復現衆會皆作釋提桓因嚴切利宮百千天女作衆伎樂園遶娛樂復以神力普令衆會皆作梵王色相威儀在於梵宮行四無量又問堅意汝見何等答言天子我見衆會皆是梵王復現神力普令衆會皆作長老摩訶迦葉形色相貌執持衣鉢入諸禪定行八解脫皆無有異復現神力普令衆會皆如釋迦牟尼佛身相好威儀各有比丘眷屬園遶又問堅意汝見何等答言天子我見大衆皆是釋迦牟尼佛身相好威儀各有比丘眷屬園遶現意天子謂堅意言是為首楞嚴三昧自在勢力如是堅意菩薩得首楞嚴三昧能以三千大千世界入芥子中今諸山河日月星宿現皆如故而不迫

進示諸衆生堅意首楞嚴三昧不可思議勢力如是余時諸大弟子及諸天龍夜叉乾闥婆釋梵護世天王同聲曰佛言世尊若人得是首楞嚴三昧是人功德不可思議所以者何是人則為究竟佛道成就智慧神通諸明我等今日於一座上普見衆會種種色相若干變現我等惟念若人不得聞首楞嚴三昧當知是為魔所得便若得聞者當知是人諸佛所護何況聞已隨說行者世尊菩薩若欲通達佛法至於彼岸當一心聽首楞嚴三昧受持讀誦為他人說世尊菩薩若欲普現一切形色威儀欲悉普知一切衆生隨病與藥當善聽是三昧法實受持讀誦出尊若人得是首楞嚴三昧當知是人入佛境界智慧自在佛言如是如是如汝等說若人不得首楞嚴三昧不得名為深行菩薩如來不謂此人具足布施持戒忍辱精進禪定智慧是故汝等若欲遍行一切道者當學得是首楞嚴三昧不念一切

諸所學故

今時堅意菩薩問現意天子言菩薩
若欲得是三昧當修行何法天子答
言菩薩若欲得是三昧當修行凡夫
法若見凡夫法佛法不合不散是名
修集首楞嚴三昧堅意問言於佛法
中有合散耶天子答言凡夫法中尚
無合散何況佛法云何名修行若能
通達諸凡夫法佛法無二是名修集
而實此法無合無散善男子一切法
集無生相故一切法集無壞相故一
切法集虛空相故一切法集無受相
故堅意復問首楞嚴三昧去至何所
天子答言首楞嚴三昧去至一切衆
生心行而亦不緣心行取相去至一
切諸所生處而亦不為生處所汙去
至一切世界佛所而不分別佛身相
好去至一切音聲語言而不分別諸
文字相普能開示一切佛法而不至
於畢竟盡盡善男子問是三昧至何
處者隨佛所至是三昧者亦如是至
堅意問言佛至何處天子答言佛如
如故至無所至又問佛不至涅槃耶

首楞嚴三昧經卷上 第三經

○佛說首楞嚴三昧經

答言一切諸法究竟涅槃是故如來
不至涅槃所以者何涅槃性故不至
涅槃又問過去恒河沙等諸佛不至
涅槃耶答言恒沙諸佛為是生耶堅
意言如來所說恒沙諸佛生已滅度
天子言善男子如來不云一人出世
多所饒益安樂衆生於意云何如來
為定得諸衆生有生滅耶答言天子
如來於法不得生滅善男子當知如
來雖說諸佛出於世間於如來相而
實無生雖說諸佛至於涅槃於如來
相而實無滅

又問今現無量如來得成道不答言
如來無生無滅相如是成道善男子
若諸佛出若入涅槃無有差別所以
者何如來通達一切諸法是寂滅相
是名為佛又問若一切法畢竟寂滅
涅槃相者可通達耶答言如一切法
畢竟寂滅同涅槃相通達相者亦復
如是善男子如來不以生住滅出無
生住滅是名佛出堅意問言汝住首
楞嚴三昧能作如是說耶答言善男
子於意云何如來化人住何法中而

首楞嚴三昧經卷上 第三經

有所說堅意答言乘佛神力能有所
說又問佛住何處而作化人答言佛
住不二神通而作化人天子言如如
來住不住法而作化人諸化人亦住
不住法而有所說堅意言若無所住
云何有說天子言如無所住說亦如
是又問菩薩云何具足樂說辨才答
言菩薩不以我相不以彼相不以法
相而有所說是名具足樂說辨才隨
所說法文字相不盡法相亦不盡
如是說者不以二說是名具足樂說
辨才又善男子若菩薩不捨諸法幻
相於諸音聲不捨響相是名具足樂
說辨才又如諸文字音聲語言無盡
無方無內無外無有所住從衆緣有
一切諸法亦復如是無盡無方無內
無外亦無所住非是過去未來現在
不為文字言辭所表內自通達而有
所說是名具足樂說辨才辨喻如響
一切音聲皆隨響相而有所說堅意
問言隨義云何善男子隨虛空是隨
義如虛空無所隨一切說法亦無所
隨諸法無比無有譬喻為有得者言

首楞嚴三昧經卷上 第三經

第二二冊

二五三

有所隨。今時世尊讚天子言善哉。善哉。如汝所說善哉。於此不應驚怖。所以者何。若有所隨。不得阿耨多羅三藐三菩提。

堅意菩薩白佛言。世尊。是現意天子。從何佛土來。至此間。天子謂言。問作何等堅意。答言。我今欲向彼方作。以是大士遊行。住震天子謂言。若人手持得是首楞嚴三昧者。一切世間諸天人民。皆應禮敬。今時佛告堅意菩薩。是現意天子。從阿閼佛妙喜世界來。至於此。是人於彼常說首楞嚴三昧。堅意一切諸佛。無有不說首楞嚴三昧者。堅意是現意天子。於此娑婆世界。當得成佛。是人欲斷此五濁。惡取淨佛土。教化衆生。修習增長。首楞嚴故。來至於此。堅意白佛言。今此天子幾時當於此間世界。得成佛道。其号云何。世界何名。佛言。是天子者。過是賢劫千佛。滅已六十二劫。無復有佛。中間但有百千萬億辟支佛。出其間。衆生得種善根。過是劫已。當得成佛。号淨光稱王。如來世界。今時名

為淨見。於時淨光稱王。如來能令衆生心得清淨。世界衆生不為貪欲。瞋恚。愚癡。所覆。得法淨信。皆行善法。堅意是淨光稱王。佛壽十小劫。以三乘法度脫衆生。其中無量無邊善薩。得首楞嚴三昧。於諸法中。得自在力。今時魔若魔民。皆修大乘慈愍衆生。其佛國土。無三惡道。及諸難處。莊嚴清淨。如鬱單越。無衆魔事。難諸邪見。佛滅度後。法住千萬億歲。堅意是天子者。當於如是清淨國土。而成佛道。今時堅意菩薩。謂天子言。汝得大利。如來授汝阿耨多羅三藐三菩提。記天子言。善男子。於一切法。若無所得。是名大利。於法有得。是則無利。善男子。是故當知。若不得法。是名大利。說是法時。二萬五千天子。曾於先世。殖衆德本。皆發阿耨多羅三藐三菩提心。有万菩薩得無生忍。

佛說首楞嚴三昧經卷下

佛說首楞嚴三昧經卷下

改

今時舍利弗白佛言。世尊。未曾有也。今說首楞嚴三昧。而是惡魔。不來燒。亂。佛告舍利弗。汝欲見魔。莫惱事。不。唯然。欲見。今時佛放眉間白毫。大人相光。一切衆會。皆見惡魔。被五繫縛。不能自解。佛告舍利弗。汝見惡魔。被五縛。不唯然。已見此惡魔者。為誰所縛。佛言。是首楞嚴三昧。威神之力。在所佛土。說首楞嚴三昧。其中諸魔。欲以惡心。作障。導者。首楞嚴三昧。及與諸佛。威神力。故其諸惡魔。皆自見身。被五繫縛。舍利弗。在阿說首楞嚴三昧。處。若我現在。若我滅後。其中所有諸魔。魔民。及餘人。衆懷惡心者。以首楞嚴三昧。威神力。故皆被五縛。今時會中天龍夜叉。乾闥婆等。白佛言。世尊。我等於此三昧。心無有疑。不為障。導我等。不欲身被五縛。世尊。我等恭敬此三昧。故皆當往護。說是法者。於是三昧。生世尊想。佛告諸天龍。

神汝以是故當於十二見縛而得解脫何等十二我見縛衆生見縛壽命見縛人見縛斷見縛常見縛我作見縛我所見縛有見縛無見縛此彼見縛諸法見縛是為十二汝等當知若有衆生於佛法中起瞋恨心欲毀壞者皆以住是十二見縛若人信解隨順不逆於此十二見縛當得解脫

今時舍利弗白佛言世尊惡魔於今得聞說此首楞嚴三昧名不佛言亦聞以被縛故不能得來舍利弗言如來何不以此威神力令魔不聞說首楞嚴三昧名字佛言且止勿作此語假使恒河沙等世界滿中大火為聞說此首楞嚴三昧當從中過何以故若人但聞說首楞嚴三昧我說此人得善利勝得四禪生四梵處舍利弗若使惡魔今得聞說首楞嚴三昧名字以此因緣當得出過一切魔事若以被縛而得聞者亦當於此十二見縛而得解脫是故舍利弗邪見惡人入魔網者尚應聞此首楞嚴三昧何況淨心歡喜欲聞

首楞嚴三昧經卷下 第二十八

今時會中有一菩薩名魔界行不汙曰佛言唯然世尊我今當現於魔界中以自在神力令魔得住首楞嚴三昧佛言隨意時魔界行不汙菩薩即於會中忽然不現現於魔宮語惡魔言汝寧不聞佛說首楞嚴三昧元量衆生皆發阿耨多羅三藐三菩提心出汝境界亦皆當復度脫餘人出汝境界魔即報言我聞佛說首楞嚴三昧名字以被五縛不能得往所謂兩手兩足及頭又聞惡魔誰繫汝者魔即答言我適發心欲往壞亂聽受首楞嚴三昧者即被五縛我適復念諸佛菩薩有大威德難可壞亂我若往者或當自壞不如自住於此宮殿作是念已即於五縛而得解脫菩薩答言如是一切凡夫憶想分別顛倒取相是故有縛動念感論是故有縛見聞覺知是故有縛此中實无縛者解者所以者何諸法無縛本解脫故諸法无解本無縛故常解脫相無有愚癡如來以此法門說法若有衆生得知此義欲求解脫勤心精進則於諸縛而得

首楞嚴三昧經卷下 第二十九

解脫時魔衆中七百天女以天香華末香塗香及諸瓔珞散魔界行不汙菩薩而作是言我當何時於魔境界而得解脫菩薩報言汝等若能不壞魔縛則得解脫云何名為魔縛謂六十二見若人不壞此諸見者即於魔縛而得解脫天女復言云何名為不壞諸見而得解脫答言諸見本無所從來去無所至若知諸見无去來相即於魔縛而得解脫諸見非有非無若不分別有無即於魔縛而得解脫若無所見是為正見如是正見無正无邪若法無正無邪無作無受即於魔縛而得解脫是諸見者非內非外亦非中間如是諸見亦復不念則於魔縛而得解脫七百天女聞說此法即得頓忍而作是言我等亦當於魔界中行無所汙度脫一切魔所縛者今時魔界行不汙菩薩語惡魔言汝諸眷屬已發阿耨多羅三藐三菩提心汝作何等惡魔答言我被五縛不知所作菩薩答言汝發阿耨多羅三藐三菩提心當從此縛而得解脫時

首楞嚴三昧經卷下 第三十

諸天女慈愍魔故皆作是言可發阿
耨多羅三藐三菩提心勿於安隱生
怖畏想勿於樂中而生善想勿於解
脫而生縛想今時惡魔生曲曲心而
作是言若汝捨離善菩提心者我當發
心時諸天女以方便力而謂魔言我
等皆已捨離此心汝便可發阿耨多
羅三藐三菩提心若一善發菩提
心一切善法亦同是心所以者何心
無差別於諸眾生心皆平等今時惡
魔謂魔界行不行善言我今當發
阿耨多羅三藐三菩提心以是善根
令我縛解說此言已即自見身從縛
得解時魔界行不行善以神通力
放大光明現淨妙身照於魔宮魔自
見身無有威光猶如墨聚時魔眾中
二百天女深著婬欲見此菩薩身色
端正起深愛心各作是言是人若能
與我從事我等皆當隨順其教時此
菩薩知諸天女宿緣應度即時化作
二百天子色貌端嚴如身無異又作
二百寶女露臺勝魔宮觀是諸天女
皆自見身在此寶臺各各自謂與此

菩薩共相娛樂所願得滿婬欲意息

皆生深心愛敬菩薩菩薩即時隨其
所應而為說法皆發阿耨多羅三藐
三菩提心時魔界行不行善言謂惡
魔言汝可詣佛魔作是念我縛已解
當詣佛所壞亂說法今時惡魔眷屬
圍繞行詣佛所自言世尊勿復說是
首楞嚴三昧所以者何說是三昧我
身即時被五繫縛唯願如來更說餘
事時堅意菩薩謂惡魔言誰解汝縛
答言魔界行不行善言解我繫縛汝
許何事而得解縛魔言我許發阿耨
多羅三藐三菩提心

今時佛告堅意菩薩今是惡魔為解
縛故發菩提心非清淨意如是堅意
我滅度後後五百歲多有比丘為利
養故發菩提心非清淨意取意汝觀
首楞嚴三昧勢力佛法威神是諸比
丘比丘丘優婆塞優婆塞以輕戲心
貪利養心隨逐他心聞是三昧而發
菩提心我皆知此心與阿耨多羅三藐
三菩提得作因緣何況聞是首楞嚴
三昧能以淨心發阿耨多羅三藐三

菩提當知此人於佛法中已得畢定

堅意菩薩白佛言世尊今此惡魔聞
說首楞嚴三昧為解縛故發菩提心
亦得具足佛法因緣耶佛言如汝所
說惡魔以是三昧福德因緣及發菩
提心因緣故於未來世得捨一切魔
事魔行魔論曲心魔眾惱事從今已
後漸漸當得首楞嚴三昧力成就佛
道堅意菩薩謂惡魔言如來今已與
汝授記魔言善男子我今不以清淨
心發阿耨多羅三藐三菩提如來何
故與我授記如佛言曰從心有業從
業有報我自無心求菩提道如來何
故與我授記時佛欲斷眾會疑故告
堅意言菩薩授記凡有四種何謂為
四有未發心而與授記有過發心而
與授記有密授記有得無生法忍現
前授記是謂為四唯有如來能知此
事一切聲聞辟支佛所不能知堅意
六何名為有未發心而與授記或有
眾生往來五道着在地獄着在畜生
着在餓鬼着在天上着在人間諸根
猛利好樂大法佛知是人過此若干

若利好樂大法佛知是人過此若干

百千萬億阿僧祇劫當發阿耨多羅三藐三菩提心又於若干百千萬億阿僧祇劫行菩薩道供養若干百千萬億那由他佛教化若干百千萬億无量衆生令住菩提又過若干百千萬億阿僧祇劫當得阿耨多羅三藐三菩提字如是國土如是聲聞衆數壽命如是滅後法住歲數如是佛告堅意如來念能了知此事復過於

是名未發心而與授記

余時長老摩訶迦葉前白佛言從今以後我等當於一切衆生生世尊想所以者何我等無有如是智慧何等衆生有菩薩根何等衆生無菩薩根世尊我等不知如是事故或於衆生輕慢心則為自傷佛言善哉善哉迦葉快說此言以是事故我經中說人則不應妄稱量衆生所以者何若妄稱量於他衆生則為自傷唯有如來應量衆生及與等者以是因緣若諸聲聞及餘菩薩於諸衆生應生佛想適發心已得受記者或自有人久殖德本修習善行勤心精進諸根猛

利好樂大法有大悲心善為衆生求解脫道是人發心即住阿惟越致入菩薩位隨畢定數出過八難如是等人適發心時諸佛即與授阿耨多羅三藐三菩提記名号如是國土如是壽命如是如是等人如來知心而與授記是名發心即與授記密授記者自有菩薩未得受記而常精勤求阿耨多羅三藐三菩提樂種種施樂一切施受法堅固持戒不捨深發莊嚴有大忍力等心衆生勤行精進求諸善法身心不懈如救頭然行念安隱能得四禪樂求智慧行佛菩提久行六度有成佛相時餘菩薩天龍夜叉乾闥婆等皆作是念如此菩薩勤心精進實為希有幾時當得阿耨多羅三藐三菩提其号云何國土何名聲聞衆數多少云何佛為斷此衆生疑故而與授記普令衆會皆得聞知唯是菩薩獨不得聞佛神力故令一切衆知是菩薩成佛号字國土如是聲聞衆數多少如是衆所疑者時悉決了於此菩薩生世尊想而是菩薩

寶勝經卷第二

不能自知我為得記為未得記是為菩薩密得受記現前受記者有菩薩久集善根無不見得常修梵行觀無我空於一切法得無生忍佛知此人功德智慧悉已具足則於一切天人魔梵沙門婆羅門大衆之中現前授記作是言善男子汝過若干百千萬億劫當得成佛号字如是國土如是聲聞衆數壽命如是時無數人隨勸是人皆發阿耨多羅三藐三菩提心是人佛前得受記已身昇虛空高七多羅樹堅意是名第四現前受記余時堅意菩薩白佛言今此會中多有菩薩以此四事得受記不佛答言有世尊誰是佛言此師子吼王菩薩樂欲居士子是未發心而得受記如是等他方世界無數菩薩亦未發心而得受記復有寂滅菩薩大德法王子菩薩文殊師利法王子菩薩如是无量諸菩薩等適發心時即與授記皆住阿惟越致地中是中復有智勇菩薩益意菩薩如是無量諸菩薩等密與授記堅意我及弥勒賢劫十善

寶勝經卷第二

薩皆得無生法忍現前受記堅意菩薩白佛言希有世尊菩薩所行不可思議受記亦不可思議一切聲聞諸辟支佛尚不能知況餘衆生佛言堅意菩薩所行所發精進威神勢力不可思議

今時魔界行不行菩薩所化天女令發阿耨多羅三藐三菩提心者各以天華散於佛上白佛言世尊我等不樂密得受記我等願得無生法忍現前受記唯願世尊於今與我授阿耨多羅三藐三菩提記佛時微笑口出種種妙色光明照諸世界還從頂入阿難白佛言世尊何因故笑佛告阿難汝今見是二百天女合掌敬禮如來者不已見世尊阿難是諸天女已曾於昔五百佛所深種善根從是已去當復供養無數諸佛過七百阿僧祇劫已皆得成佛号曰淨王阿難是諸天女命終之後得轉女身皆當生於兜率天上供養奉事弥勒菩薩今時惡魔聞諸天女得受記已白佛言世尊我今自於所有眷屬不得自在

以聞說是首楞嚴三昧故况餘聞者若人得聞首楞嚴三昧即得畢定住佛法中今時天女以無怯心語惡魔言汝勿大愁我等今者不出汝界所以者何魔界如即是佛界如魔界如佛界如不二不別我等不離是如魔界相即是佛界相魔界法佛界法不二不別我等於此法相不出不過魔界無有定法可示佛界亦無定法可示魔界佛界不二不別我等於此法相不出不過是故當知一切諸法無有決定無決定故無有眷屬無非眷屬今時惡魔憂愁苦惱欲還天上魔界行不行菩薩謂惡魔言汝欲何去魔言我今欲還所住宮殿菩薩謂言不離是衆即是汝宮殿今時惡魔即自見身處本宮殿菩薩語言汝見何等惡魔答言我自見才處本宮殿好林園池是我所有菩薩語言汝今可以奉上如來魔言可今適作是語即見如來聲聞菩薩一切大衆皆在其中說首楞嚴三昧

今時阿難白佛言世尊佛所住處說首楞嚴三昧有施食已佛得成道此二施主何者福多佛言阿難施佛食已佛成阿耨多羅三藐三菩提食已轉法輪食已說首楞嚴三昧此三食福無有差別阿難我於何處得阿耨多羅三藐三菩提當知其處即是金剛過去未來現在諸佛皆於其中得成佛道隨所住處說首楞嚴三昧等無差別及有讀誦書寫之處亦復如是阿難施佛食已初轉法輪若有法師得施食已讀誦說是首楞嚴三昧此二施福等無有異又復阿難佛住精舍以十八種神通變化度脫衆生復有精舍於中讀誦說是首楞嚴三昧此二施處其福不異今時阿難語惡魔言汝得大利能以宮殿施佛今住魔言是魔界行不行菩薩恩力所致堅意菩薩白佛言世尊是魔界行不行菩薩住首楞嚴三昧神力自在乃如是不佛言堅意如汝所說今此菩薩住是三昧能以神力隨意自在亦現一切行魔界行而能不為魔行所汙與諸天女現相娛樂而實不受

姪欲惡法是善男子住首楞嚴三昧現入魔宮而身不離於佛會現行魔界遊戲娛樂而以佛法教化衆生堅意菩薩自佛言世尊如來住是首楞嚴三昧能現幾所自在神力善哉世尊願少演說佛言堅意我今住此首楞嚴三昧於此三千大千世界百億四天下百億日月百億四天王處百億忉利天百億夜摩天百億兜率陀天百億化樂天百億他化自在天乃至百億阿迦嚩吒天百億須彌山王百億大海是名三千大千世界堅意我住首楞嚴三昧於此三千大千世界或於閻浮提現行檀波羅蜜或於閻浮提現行尸波羅蜜或於閻浮提現行毗梨耶波羅蜜或於閻浮提現行禪波羅蜜或於閻浮提現行般若波羅蜜或於閻浮提現為五通神仙或於閻浮提現在居家或於閻浮提現行出家或於四天下現在兜率天一生補處或於四天下現為轉輪聖王或為釋提桓因或為梵王或為四天王

首楞嚴三昧經卷下 第二十二

王或為夜摩天王或為兜率陀天王或為化樂天王或為他化自在天王或現長者或現居士或復現為小王大王或為刹利或為婆羅門或為薩薄或於四天下欲從兜率下生世間或現入胎或現履胎或現欲生或現生已而行七步舉手自稱天上天下唯我為尊或現處宮與采女俱或現出家或現告行或現取草或現坐道場或現降魔或現成佛或現觀樹王或現釋梵請轉法輪或現轉法輪或現捨壽或現入涅槃或現燒身或現全身舍利或現散身舍利或現法欲滅或現法已滅或現壽命无量或現壽命短促或現國土無惡道名或現有諸惡道或現閻浮提清淨嚴饒如天宮殿或現熒惡或現上中下堅意是皆首楞嚴三昧自在神力菩薩示現入於涅槃不畢竟滅而於三千大千世界能現如是自在神力示現如是諸莊嚴事堅意汝觀如來於此四天下轉法輪餘閻浮提未成佛道或有閻浮提現入滅度是名首楞嚴三昧所入法門

首楞嚴三昧經卷下 第二十二

分時會中諸天龍夜叉乾闥婆等諸菩薩大弟子咸作是念釋迦牟尼佛但能於此三千大千世界有是神力於餘世界亦有是力時文殊師利法王子知衆會意欲斷所疑白佛言世尊我所遊行諸佛國土於是世界上過六十恒河沙土有佛世界名一燈明佛於其中為人說法我至其頭面禮足問言世尊名空何等我等云何奉持佛名彼佛答我汝詣釋迦牟尼佛自當答汝世尊彼佛國土功德莊嚴說之一切猶不可盡復過於彼國無有聲聞辟支佛名但有諸菩薩僧常說不退轉法輪唯願世尊說此佛名一燈明土講說法者亦時佛告文殊師利法王子汝等善聽勿懷恐怖而生疑悔所以者何諸佛神力不可思議首楞嚴三昧勢力亦不可思議文殊師利彼一燈明土講說法者佛号示一切功德自在光明王文殊師利一燈明土示一切功德自在光明王佛則是我身於彼國土現佛神力我於彼土說不退轉法輪是我

首楞嚴三昧經卷下 第二十二

宿世所修淨土文殊師利汝今當知我於無量无边百千万億那由他土盡有神力一切聲聞辟支佛所不能知文殊師利此則皆是首楞嚴三昧勢力菩薩常於无量世界示現神變於此三昧而不動轉文殊師利譬如日月自於宮殿初不移動而現一切威色聚落菩薩如是住首楞嚴三昧初不移動而能遍於无量世界示現其身隨眾所樂而為說法

今時眾會得未曾有皆大歡喜踊躍無量合掌恭敬及諸天龍夜叉乾闥婆阿修羅迦樓羅緊那摩睺羅伽等以真珠華雜色妙華末香塗香散於佛上皆作諸天所有伎樂供養如來及諸弟子亦各脫上衣奉上於佛諸菩薩等以妙色華大如須弥并眾華香末香塗香珍寶瓔珞散於佛上皆作是言唯然世尊若有說首楞嚴三昧處其地則為金剛若人得聞說是三昧信受讀誦為人演說不驚不畏當知此人亦是金剛成不壞忍深住於信諸佛所護厚種善根得大善

首楞嚴三昧經卷下 第二十二 說

利降魔怨敵斷諸惡趣為善知識之所守護世尊如我解佛所說義若有眾生聞是首楞嚴三昧即能信受讀誦解義為人演說如說修行當知是人得住佛法畢定不退佛言如是如是如汝等說若人不厚種諸善根聞首楞嚴三昧不能信受少有眾生聞首楞嚴三昧能信受者多有眾生不能信受善男子人有四法聞是三昧能得信受何等為四一者曾於過去諸佛聞是三昧二者為善知識所護深樂佛道三者善根深厚好樂大法四者身自得證大乘深法有是四法則能信受如是三昧善男子復有滿願阿羅漢及具足正見者信行見行者是人信順如來語故信是三昧而身不證所以者何是三昧者一切聲聞辟支佛所不能通達况餘眾生余時長老摩訶迦葉白佛言世尊譬如從生盲人夢中得眼見種種色心大歡喜即於夢中與有眼者共住共語是人覺已不復見色我等亦未聞是首楞嚴三昧時心懷歡喜謂得天

首楞嚴三昧經卷下 第二十三 說

眼與諸菩薩共住共語論說義理世尊我今從佛聞是三昧不知其事如生盲人不能得知諸佛菩薩所行之法我等從今已往自視其身如生盲人於佛深法無有智慧不知不見世尊所行我等從今已往知諸菩薩真得天眼能得如是諸深智慧世尊若人無有薩婆若心誰當自謂我是智者我是福田佛言如是如是迦葉如汝所說菩薩所得諸深智慧聲聞辟支佛所不能及摩訶迦葉說是語時八十眾皆發阿耨多羅三藐三菩提心

今時堅意菩薩問文殊師利法王子言文殊師利所言福田云何名為福田文殊師利言有十法行名為福田何等為十住空無相無願解脫門而不入法位見知四諦而不證道果行八解脫而不捨善善行能起三明而於三界能現聲聞形色威儀而不隨音教從他求法現辟支佛形色威儀而以無導辯才說法常在禪定而能現行一切諸行不離正道而現入

首楞嚴三昧經卷下 第二十四 說

邪道深貪染愛而難諸欲一切煩惱入於涅槃而於生死不壞不捨有是十法當知是人真實福田。今時堅意菩薩問須菩提言長老須菩提世尊說汝第一福田汝為得在是十法不須菩提言我於是法尚無其一何況有十堅意言汝以何名第一福田須菩提言我不於佛諸菩薩中第一福田佛說我於聲聞辟支佛中第一福田堅意辭如邊地小王亦名為王若轉輪聖王至於邊地諸小王等不名為王今時唯有轉輪聖王聖三威德殊妙勝故堅意隨有國土城邑聚落無善善處我於其中得為福田若有佛處有大菩薩我於其中不名福田諸菩薩有薩婆若心是故勝我今時佛讚須菩提言善哉善哉如汝所說是無增上勝大弟子之所言也堅意菩薩復問文殊師利法王子言文殊師利所說多聞云何名為多聞文殊師利言若人得聞一句之法即解其中千萬億義百千萬劫敷演解說智慧辯才不可窮盡是名多聞復次堅

善哉善哉

善哉善哉

意菩薩若聞十方无量諸佛所說盡能受持無有一句先所不聞凡所聞者皆是先聞隨所聞法能持不忘為衆生說而無衆生身與衆生及所說法無有差別是名多聞。今時會中有菩薩天子名淨月藏作是念佛說阿難於多聞中為最第一如文殊師利所說多聞阿難今者寧有是不作是念已問阿難言如來說汝於多聞中為最第一汝之多聞寧如文殊師利所說者不阿難答言如文殊師利所說多聞我無是事淨月藏言如來云何當稱說汝於多聞中為最第一阿難答言佛諸弟子隨逐音聲而得解脫於是人中說我第一非謂我於無量智海無等大慧無尋辯才諸菩薩中多聞第一天子辭如以有日月光明閻浮提人見諸形色得有所作我亦如是但以如來智慧光明得受持法我於其中自無有方當知皆是如來神力。今時世尊讚阿難言善哉善哉如汝所說汝所受持誦念諸法當知則是如來神力。今時佛告淨月藏

言阿難所持諸法甚少所不誦者無量無邊天子我於道場所得諸法百千億分不說其一我所說者阿難於中百千億分不持其一夫子如來但於一日一夜十方世界諸釋梵王護世天王天龍夜叉乾闥婆等天子菩薩典之說法以智慧力而作偈頌說修多羅因緣譬喻衆生所行諸波羅蜜及說聲聞辟支佛衆佛无上乘攝大乘法要警生死釋讚涅槃假使閻浮提內所有衆生成就多聞皆如阿難於百千劫不能受持天子以是因緣當知如來說諸法无量無邊阿難所持甚為少耳。今時淨月藏天子即以十萬七寶華蓋奉上如來其蓋即時遍住虛空所覆衆生皆作金色奉上蓋已作如是言唯然世尊願以是福普使衆生辨才說法當如世尊能受持法如文殊師利法王子時佛知是菩薩天子深樂佛道與授阿耨多羅三藐三菩提記而作是言今是天子過四百四十萬劫當得作佛号一寶蓋國名一切衆寶莊嚴說是法

時二百菩薩生慙念心諸佛世尊其法甚深阿耨多羅三藐三菩提如是難得我等不能具足是事不如但以辟支佛乘入於涅槃所以者何佛說菩薩若有退轉或作辟支佛或作聲聞

今時文殊師利法王子知此二百菩薩有慙退心欲還發起今得阿耨多羅三藐三菩提亦欲教化會中天龍夜叉乾闥婆阿修羅迦樓羅緊那羅摩睺羅伽等故白佛言世尊我念過去劫名照明我於其中三百六十億世以辟支佛乘入於涅槃今時一切衆會心皆生疑若入涅槃不應復還生死相續今文殊師利何故作如是言世尊我念過去劫名照明我於其中三百六十億世以辟支佛乘入於涅槃是事云何今時舍利弗承佛神旨白佛言世尊若人已得入於涅槃不應復有生死相續云何文殊師利入涅槃已還復出生佛言汝可問之文殊師利自當答汝時舍利弗問文殊師利言若人已得入於涅槃於諸

有中不復相續汝今云何而作是說世尊我念過去照明劫中三百六十億世以辟支佛乘入於涅槃此義云何文殊師利言如來現在是一切知者一切見者真實語者不欺誑者世間天人無能誑者我所說者佛自證知我若異說則為誑佛舍利弗彼時照明劫中有佛出世名曰弗沙利益世間諸天人已入於涅槃是佛滅後法住十萬歲法滅之後其中衆生於辟支佛有度因緣假使百千億佛為之說法不信不受唯言可以辟支佛身威儀法則而得度脫是諸衆生皆共志求辟支佛道是時無有辟支佛出是諸衆生無處得種善根因緣我於今時為教化故自稱我身是辟支佛隨諸國土城邑聚落皆知我身是辟支佛我時皆為現辟支佛形色威儀是諸衆生深心恭敬皆以飲食供養於我我受食已觀其本緣所應聞法為解說已身飛虛空猶如鷹王是時衆生皆大歡喜以恭敬心頭面礼我而作是言願使我等於未來世皆

得法利如今是人舍利弗以是因緣成就無量無數衆生令種善根我時觀察知諸人衆供養我食生慙厭心即時告言我涅槃時至百千衆生聞是語已各持華香雜香蘇油來至我所我於今時入滅盡定以本願故不畢竟滅是諸衆生謂我命終供養我故以香薪積而燒我身謂我實滅我時復至異國大城自稱我是辟支佛身其中衆生亦以飲食來供養我於其中亦入涅槃亦謂我滅皆來供養共燒我身如是舍利弗我於今時滿一小劫三百六十億世作辟支佛身亦入涅槃於諸大城一一皆以辟支佛垂度脫三十六億衆生舍利弗菩薩如是以辟支佛乘入於涅槃而不永滅文殊師利說是語時三千大千世界六種震動光明遍照千億諸天供養文殊師利法王子雨諸天華皆作是言是實希有我等今日得大善利見佛世尊及見文殊師利法王子又聞說是首楞嚴三昧世尊文殊師利法王子成就如是未曾有法住

何三昧能現如是未曾有法佛告諸
天文殊師利法王子住首楞嚴三昧
能作如是希有難事菩薩住此三昧
為作信行而不隨他信亦作法行而
於法相轉於法輪不退不失亦作八
人於諸无量阿僧祇劫為八邪者而
行於道作須陀洹為生死水漂流衆
生不入法位作斯陀含遍現其身於
諸世間作阿那含亦復來還教化衆
生作阿羅漢亦常精進求學佛法亦
作聲聞以無尋辯為人說法作辟支
佛為欲教化因緣衆生亦入涅槃三
昧力故還復出生諸天子菩薩住是
首楞嚴三昧皆能遍行諸賢聖行亦
隨其地有所說法而不住中諸天聞
佛說如是義悉皆涕淚而作是言世
尊若人已入聲聞辟支佛位永失是
首楞嚴三昧世尊人寧作五逆重罪
得聞說是首楞嚴三昧不入法位作
漏盡阿羅漢所以者何五逆罪人聞
是首楞嚴三昧發阿耨多羅三藐三
菩提心已雖本罪緣墮在地獄聞是
三昧善根因緣還得作佛世尊漏盡

首楞嚴三昧經卷下 第三十二分

阿羅漢猶如破器永不堪任受是三
昧世尊譬如有入施蘇油蜜多有人
衆持種種器中有一人用心不固破
所持器雖諸所施蘇油蜜所無所能
益但得自飽不能持還施與餘人是
中有人持器完堅既得自飽亦持滿
器施與他人蘇油蜜者是佛正法所
持器破但得自足不能持還施他人
者即是聲聞及辟支佛持完器者即
是菩薩身自得足亦能持與一切衆
生是時二百天子心欲退轉於阿耨
多羅三藐三菩提者從諸天子聞是
語已及聞大殊師利法王子不可思
議功德勢力更以深心發阿耨多羅
三藐三菩提不復隨先退轉之心皆
白佛言我等乃至危害生命不捨是
心亦終不捨一切衆生世尊唯願我
等聞是首楞嚴三昧善根因緣當得
菩薩十力何等十於菩提心得堅固
力於不可思議佛法得深信力多聞
得不忘力往來生死得無疲力於諸
衆生得堅大悲力於布施中得堅捨
力於持戒中得不壞力於忍辱中得

首楞嚴三昧經卷下 第三十二分

堅受力魔不能壞得智慧力於諸深
法得信樂力今時佛告堅意菩薩若
有衆生於今現在若我滅後聞是首
楞嚴三昧能信樂者當知是人悉皆
得是菩薩十力

今時會中有菩薩名曰名意白佛言
世尊若欲得福者應供養佛欲得慧
者應勤多聞欲生好處者應勤持戒
欲大富者應加布施欲得妙色者應
修忍辱欲得辯才者應敬師長欲得
陀羅尼者應離增上慢欲得智者應
修正憶念欲得樂者應捨一切惡欲
利益衆生者應發菩提心欲得妙音
聲者應修實語欲得功德者應樂遠
難欲求法者應近善知識欲坐禪者
應離憒鬧欲思慧者應修思惟欲生
梵世者應修无量心欲生天人應修
十善世尊若人欲得福德者欲得慧
者欲生好處者欲大富者欲妙色者
欲辯才者欲陀羅尼者欲得智者欲
得樂者欲利益衆生者欲妙音聲者
欲功德者欲求法者欲坐禪者欲思
慧者欲生梵世者欲生天人者欲得

首楞嚴三昧經卷下 第三十二分

涅槃者欲得一切功德者當聞首楞嚴三昧受持讀誦為他人說如說修行世尊菩薩云何修是三昧佛言名意菩薩若能觀諸法空無所障尋念念滅盡離於憎愛是名修是三昧復次名意學是三昧不以一事所以者何隨諸衆生心心所行是三昧者有是諸行隨諸衆生心心所入是三昧者有是諸入隨諸衆生諸根入門是三昧者有是入門隨諸衆生所有名色得是三昧菩薩亦若若干名色能如是知是名修是三昧隨一切佛名色相貌得是三昧菩薩亦若若干名色相貌能如是知是名修是三昧隨見一切諸佛國土菩薩亦自成是國土是名修是首楞嚴三昧名意菩薩白佛言世尊是三昧者修行甚難佛告名意以是事故少有菩薩住是三昧多有菩薩行餘三昧

今時名意菩薩白佛言世尊此弥勒菩薩一生補處次於世尊當得阿耨多羅三藐三菩提弥勒得是首楞嚴三昧耶佛言名意其諸菩薩得住十

首楞嚴三昧經卷下 第三分

地一生補處受佛正位慈皆得是首楞嚴三昧弥勒菩薩即時示現如是神力名意菩薩及諸衆會見此三千大千世界諸閻浮提其中皆是弥勒菩薩或見在天上或見在人間或見出家或見在家或見侍佛皆如阿難或見智慧第一如舍利弗或見神通第一如目犍連或見頭陀第一如大迦葉或見說法第一如富樓那或見樂戒第一如羅睺羅或見持律第一如優波離或見天眼第一如阿那律或見坐禪第一如離婆多如是一切諸第一中皆見弥勒或見入諸城邑聚落乞食或見說法或見坐禪名意菩薩及諸大衆一切皆見弥勒菩薩現首楞嚴三昧神通勢力見已大喜白佛言世尊譬如真金雖復鍛磨不失其性是諸大士亦復如是隨所試處皆能示現不可思議法性今時名意菩薩白佛言世尊我謂菩薩若能通達首楞嚴三昧當知通達一切道行於聲聞乘辟支佛乘及佛大衆皆悉通達佛言如是如是如汝所說菩

首楞嚴三昧經卷下 第三分

薩若能通達首楞嚴三昧則能通達一切道行今時長老摩訶迦葉白佛言世尊我謂大殊師利法王子曾於先世已作佛事現坐道場轉於法輪示諸衆生入大滅度佛言如是如是如汝所說迦葉過去久遠无量無邊不可思議阿僧祇劫今時有佛名龍種上如來應供正遍知明行足善逝世間解無上士調御丈夫天人師佛世尊於此世界南方過於千佛國土國名平等無有山河沙磧瓦石丘陵峴阜地平如掌生柔軟草如迦陵伽龍種上佛於彼世界得阿耨多羅三藐三菩提初轉法輪教化成就七十億數諸菩薩衆八十億人成阿羅漢九萬六千人住辟支佛因緣法中其後續有無量聲聞僧迦葉龍種上佛壽命四百四十萬歲度天人已入於涅槃散身舍利流布天下起三十六億塔衆生供養其佛滅後法住十萬歲龍種上佛臨欲涅槃與智明菩薩授記勸言此智明菩薩次於我後當得阿耨多羅三藐三菩提亦号智明迦

首楞嚴三昧經卷下 第三分

業汝謂今時平等世界龍種上佛豈異人乎勿生此疑所以者何即文殊師利法王子是迦葉汝今且觀首楞嚴三昧勢力諸大菩薩以是力故亦現入胎初生出家詣菩提樹坐於道場轉妙法輪入般涅槃分布舍利而亦不捨菩薩之法於般涅槃不畢竟滅

亦時長老摩訶迦葉語文殊師利言仁者乃能施作如此希有難事示現衆生文殊師利言迦葉於意云何是者闍維山誰之所造是世界者亦從何出迦葉答言文殊師利一切世界水沫所成亦從衆生不可思議業因緣出文殊師利言一切諸法亦從不可思議業因緣有我於是事無有功力所以者何一切諸法皆屬因緣無有主故隨意所成若能解此所為不難迦葉若人未見四諦聞如是事能信解者此則為難見四諦已得諸神通聞此能信不足為難

佛說首楞嚴三昧經下 第十二卷

皆說是首楞嚴三昧不增不减悉遙得聞十方諸佛亦升虛空高七多羅樹結加趺坐身放光明遍照十方無量世界彼諸衆生亦見釋迦牟尼佛身升虛空結加趺坐彼諸衆會悉皆以華鬘散釋迦牟尼佛皆見衆華於上空合成華蓋此土菩薩及諸天龍夜叉乾闥婆等悉亦以華散彼諸佛皆於佛上化成華蓋亦時釋迦牟尼佛還攝神足坐於本座告堅意言是為如來神通之力為令衆生功德增益是故如來亦現是事佛現神通力時八千天人發阿耨多羅三藐三菩提心又說是首楞嚴三昧垂欲竟時堅意菩薩及五百菩薩得首楞嚴三昧悉皆得見十方諸佛所有神力於佛深法得智光明住第十地受佛職位三千大千世界六種震動放大光明遍照世界千万伎樂同時俱作諸

天空中雨種種華

佛說首楞嚴三昧經下 第十三卷

量聲聞人者隨他音聲何故以是三昧法寶獨累阿難持須彌山頂釋發至誠言若我能於今世來世廣宣流布是寶三昧無有虛者於此者闍維山中樹悉皆當如佛菩提樹其諸樹下皆有菩薩持須彌山頂釋作是語已即見諸樹如菩提樹一一樹下皆見菩薩諸菩提樹皆出是言如持須彌山頂釋所言為實是人必能令此三昧廣宣流布亦時諸天龍夜叉乾闥婆等同聲白佛言世尊假使如來住壽一劫不為餘事以聲聞乘為人說法一一說法皆悉如初轉法輪時所度衆生說是首楞嚴三昧所度衆生此則為勝所以者何是諸衆生皆以聲聞乘度於菩薩乘百分不及一百千万億分乃至竿數譬喻所不能及如是首楞嚴三昧有是无量勢力能成就諸菩薩使得具足佛法

亦時堅意菩薩白佛言世尊實壽幾何幾時當入畢竟涅槃佛言堅意東方去此世界三万二千佛土國名莊嚴是中有佛号照明莊嚴自在王如

佛說首楞嚴三昧經下 第十四卷

來應供正遍知明行足善逝世間解
無上士調御丈夫天人師佛世尊今
現在說法堅意如照明莊嚴自在王
佛壽命我所壽命亦復如是世尊是
照明莊嚴自在王佛壽命幾所佛告
堅意汝自往問自當答汝即時堅意
承佛神力又以首楞嚴三昧力故及
自善根神通力故如一念頃到彼莊
嚴世界頭面禮彼佛足右遶三匝却
住一面白佛言世尊壽命幾時當入
涅槃彼佛答言如彼釋迦牟尼佛壽
命我所壽命亦復如是堅意汝欲知
者我壽七百阿僧祇劫釋迦牟尼佛
壽命亦尔

亦時堅意菩薩心大歡喜即還娑婆
世界白佛言世尊彼照明莊嚴自在
王佛壽七百阿僧祇劫而告我言如
我壽命釋迦牟尼佛壽命亦復如是
尔時阿難從座而起偏袒右肩合掌
向佛白佛言世尊如我解佛所說義
我謂世尊於彼莊嚴世界以異名字
利益眾生尔時世尊讚阿難言善哉
善哉汝以佛力能知是事彼佛身者

首楞嚴三昧經卷下 第三十 頌說

即是我身以異名字於彼說法度脫
眾生阿難如是神通自在力者皆是
首楞嚴三昧勢力尔時佛告堅意菩
薩堅意以是事故當知我壽七百阿
僧祇劫乃當畢竟入於涅槃時會大
衆聞佛所說壽命如是不可思議皆
大歡喜得未曾有白佛言世尊諸佛
神力至未曾有一切所行不可思議
於此現壽如是短命而實於彼七百
阿僧祇劫世尊願使一切眾生具足
如是不可思議壽命尔時世尊復告
堅意是首楞嚴三昧隨在郡國城邑
聚落精舍空林其中諸魔魔民不得
其便又告堅意若有法師書寫讀誦
解說首楞嚴三昧於人非人無有
恐怖復得二十不可思議功德之分
何等二十福德不可思議其智不可
思議其慧不可思議方便不可思議
辯才不可思議法明不可思議持
不可思議法門不可思議憶念隨義
不可思議諸神通力不可思議分別
眾生諸所語言不可思議深解眾生
心之所樂不可思議得見諸佛不可

首楞嚴三昧經卷下 第三十 頌說

思議所聞諸法不可思議教化眾生
不可思議自在三昧不可思議成就
淨土不可思議形色微妙不可思議
功德自在不可思議修治諸波羅蜜
不可思議得不退轉佛法不可思議
是為二十堅意若人書寫讀誦是首
楞嚴三昧得是二十不可思議功德
之分是故堅意若人欲得今世來世
諸利當書寫讀誦解說修行是首楞
嚴三昧堅意若求佛道善男子善女
人於千萬劫勤心修行六波羅蜜若
有聞是首楞嚴三昧即能信受心不
退沒不驚不畏福勝於彼疾至阿耨
多羅三藐三菩提何況聞已受持讀
誦如說修行為人解說若有菩薩欲
聞諸佛不思議法不驚不畏欲於一
切諸佛法中現了自知不從他教應
當修集行是三昧若欲得聞所未聞
法信受不逆應當聞是首楞嚴三昧
說是首楞嚴三昧經時无量眾生發
阿耨多羅三藐三菩提心復倍是數
住阿惟越致地復倍是數得無生法
忍萬八千菩薩得是首楞嚴三昧万

首楞嚴三昧經卷下 第三十 頌說

佛說首楞嚴三昧經卷下

壬寅歲高麗國太藏都監三
勅雕造

首得嚴三政三卷 其二六